

Ai-musan ki'ik: Istoria kona-ba Wangari Maathai



- Nicola Rijsdijk
- Maya Marshak
- Aurelio da Costa
- 3
- Tetun [tet](#)

Iha suku ida iha foho Kenya nia klaran iha Afrika Leste, labarik ki'ik ida servisu iha to'os ho ninia mama. Ninja naran mak Wangari.



Wangari gosta iha liur bebeik. Iha nia família sira nia to'os nia ke'e rai ho katana. Nia hanehan tama ai-musan ki'ik ba rai laran.







Ninia tempu favoritu loron-loron mak depois loron-monu. Bainhira rai nakaras demais atu haree planta sira, Wangari hatene katak ne'e tempu atu fila uma. Nia sei la'o tuir dalan klo'ot husi toos laran, hakur mota iha nia viajen.



Wangari labarik ida ne'ebé matenek no nia la pasiensia ona atu ba eskola. Maibé ninia inan no papa hakarak nia atu hela no ajuda sira iha uma. Bainhira nia iha idade hitu, ninia maun bo'ot konvense ninia inan-papa atu husik nia ba eskola.



Nia gosta atu aprende! Wangari aprende barak liu-tan husi livru ne'ebé nia lee. Ninia atinjimentu iha eskola diak tebes ho nune'e nia hetan konvite atu ba estuda iha Estadus Unidus da America. Wangari kontente loos! Nia hakarak hatene liu-tan kona-ba mundu. I



Iha universidade Americana Wangari aprende buat foun barak. Nia estuda kona-ba ai-horis sira no oinsá sira sai bo'ot. No nia hanoin hetan oinsá nia sai bo'ot: halimar jogu sira ho ninia maun sira iha ai-hun ninia mahon okos iha ai-laran furak Kenya nian.

Buat barak liu-tan mak nia aprende, nia realiza liu-tan katak nia hadomi ema Kenya. Nia hakarak sira atu kontente no livre. Buat barak liu-tan mak nia aprende, nia hanoin hetan liu-tan ninia rai Afrikana.





Bainhira nia remata tiha ninia estudu, nia fila ba Kenya. Maibé ninia nasaun iha mudansa tiha ona. To'os luan no naruk. Feto sira laiha ai hodi te'in. Ema sira ki'ak no labarik sira hamla ha.

Wangari hatene atu halo saida. Nia hanorin feto sira atu kuda ai husi ai-musan sira. Feto sira fa'an ai-hun sira ne'e no uza osan hodi tau matan ba sira nia familia. Feto sira kontente tebes. Wangari ajuda tiha ona sira atu sente iha poder no forte.





Tempu kontinua dadaun, ai-hun foun sira moris sai ai-laran, no mota sira komesa sulin fali. Wangari ninia mensajen habelar iha Afrika. Ohin loron, ai-hun millaun mak moris ona husi Wangari ninia ai-musan sira.



Wangari servisu maka'as. Ema sira husi mundu tomak, komesa nota, no fó ba nia premiu famozu. Premiu ne'e hanaran Nobel da Paz, no nia mak feto Afrikana primeiru atu simu premiu ne'e.

Wangari mate iha tinan 2011, maibé ami bele hanoin hetan kona-ba nia bainhira ami haree ai-hun furak ida.





Global Storybooks

globalstorybooks.net

Ai-musan ki'ik: Istorya kona-ba Wangari Maathai

-pencil Nicola Rijssdijk
camera Maya Marshak
tablet Aurelio da Costa

